

Notat

Dato: 07.06.2019
Arkivsak: 2019/11599-2
Saksbehandlar: torrutl

Til: Fellesnemnda

Frå: Prosjektleiar


Samfunnsoppdrag, visjon og verdiar for Vestland fylkeskommune

Bakgrunn

Ein viser til orienteringar gitt i fellesnemnda 13. mars og seinast 23. mai 2019.

Prosjekt «Felles organisasjonskultur; samfunnsoppdrag, visjon og verdiar for Vestland fylkeskommune» har vore i arbeid sidan primo januar 2019. Føremålet med arbeidet er å skape grunnlag for bygging av ein felles organisasjonskultur i den nye organisasjonen. Felles samfunnsoppdrag, visjon og verdiar er viktige verktøy for langsiktig bygging av organisasjonskultur og utvikling av leiarar og medarbeidarar. Dei gir òg eit overordna grunnlag for strategiutvikling, planarbeid, anbudsprosessar og rekruttering og vert retningsgjevande for det daglege arbeidet i fylkeskommunen.

Gjennom heile prosessen har det vore viktig å sikre brei og god involvering internt og eksternt, for å få fram eit best mogleg grunnlag for val av samfunnsoppdrag, visjon og verdiar. Dette har omfatta workshop-samlingar, spørjeundersøkingar og dialogmøte med interne og eksterne interessentgrupper. Eit omfattande materiale er samla inn og analysert gjennom dette arbeidet.



Bilete 1: Oversikt over involvering

Prosjekteigar	Rune Haugsdal, prosjektleiar VLFK
Styringsgruppe	Ny toppleiargruppe for VLFK
Prosjektleder	Ingrid K. Holm Svendsen, kst. fylkesrådmann HFK
Prosjektkoordinator	Arild Sondre Sekse, sen. rådgjevar, HR/HFK
Medlemer	Jan Erik Weinbach, rådgjevar HR/SFFK, Agnete Kaldestad, overtannlege HFK, Tor Einar Skinlo, ass. opplæringsdirektør, SFFK.
Fagleg samarbeidspartner	John Wikström og Lisa Rolfsnes, PwC



BARRETS - VERDIUNDERSØKING

2842 personar svara på spørjeundersøking om verdjar

Totalt frå Hordaland: 2078

Totalt frå Sogn og Fjordane: 764

1960 tilsette

- Hordaland fylkeskommune: 1473
- Sogn og fjordane fylkeskommune: 487

814 innbyggjarar

- Hordaland: 554
- Sogn og Fjordane: 260

68 fra fylkestinget, fylkeseldrerådet, RMNF og UFU

- Hordaland: 51
- Sogn og Fjordane: 17



Bilete 2: Oversikt verdiundersøking

Verdiundersøkinga blei sendt ut til alle tilsette, eit utval innbyggjarar i begge fylke, fylkestinga, ungdommens fylkesutval, fylkeseldreråd og råd for menneske med nedsett funksjonsevne (RMNF). Her fekk ein spørsmål om kva for verdjar som er viktige for kvar enkelt personleg, opplevinga av kultur i dagens fylkeskommunar og ønska framtidig kultur for Vestland fylkeskommune. Verdiundersøkinga gjer det mogleg å sjå korleis noverande kultur i fylkeskommunane vert oppfatta, kva ein ønskjer at den framtidige kulturen skal vere prega av, og å sjå likskap/ulikskap mellom interessentgruppene.

Prosjektlear Rune Haugsdal og heile den nye toppleiargruppa for VLFK hadde i perioden april–juni tre arbeidssamlingar. Dette resulterte i to alternative framlegg i fellesnemnda sitt møte 23. mai.

Fellesnemnda gav gode og konstruktive tilbakemeldingar til forslaga. Likeeins vart forslaga drøfta internt på utvida leiarsamling i Førde 2. juni og samling med alle hovduttillitsvalde og fylkeshovudverneombod i Balestrand 5. juni.

Innspel frå alle tre nemnde fora er teke til fylgje i dette endelege forslaget frå prosjektlear:

Samfunnsoppdrag, visjon og verdier for Vestland fylkeskommune



Bilete 3: *Prosjektleiars sitt forslag til fellesnemnda 18.06.2019*

Samfunnsoppdrag:

Vi set retning, engasjerer og samhandlar for å utvikle gode tenester og eit framtidretta Vestland

Visjon:

Nyskapande og berekraftig

Verdier:

Kompetent – Open - Modig

Viss fellesnemnda og/ eller det nye fylkestinget vil gjere vedtak om samfunnsoppdrag, visjon og verdier, kan meldinga gjerast om til sak.